



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 21. De superbia,

[urn:nbn:de:hbz:466:1-78332](#)

rendo se, prout postea exponetur; tum imprudenter & indecora deciendo se, non seruatis debitis circumstantiis. Debet enim ex recto rationis prescripto id ita fieri, ut dolor absit, qualis cernitur in heretico, qui animo pervertendi alios omnia bona de se negat, solumque Deo tribuit, ut humilior & diuinæ gloria studiolorum appareat. In quo habet locum illud Ecclesiastici 19. Est qui nequiter se humiliat, & interiora eius plena sunt dolo. Item ut non redundet in iniuriam status vel officij quod gerit is, qui se deicit: vel talenti quo predictus est: vel in incommodum eorum quibus profecte potest & debet. Exemplum est, si sacerdos subiicit se foro faculari: aut Episcopus præponat sibi Sacerdotem: aut Superior à subdito suo veniam petat flexis genibus.

C A P V T X X I .

De superbia.

S V M M A R I A .

- 203 Definitio superbie, & de celitudine que constituitur eiusdem obiectum proprium.
 204 Quo modo superbia contingat cum Dei & proximi contemptu.
 205 Tria genera superbie.
 206 Superbia est de se malitia, mortaliter, nisi excusat defectus delitiorum, aut materie levitas.
 207 Hec qualiter contingat in diversis superbie generibus.

DE hac D. Thomas & interpres ipsius late discunt 2.2. quæst. 162. Cum autem ex actu innoescat habitus, & de actu superbia dicit D. Augustinus in lib. 14. De Ciuitate Dei, cap. 13. Quid est superbia, nisi peruersa celitudinis appetitus? ipsa potest apte definiri vitium in hominis voluntate, hanc inclinans ad appetendum peruersam celitudinem. In qua definitione verba, peruerse, celitudinis, continent differentiam, qua separatur superbia ab aliis vitiis, sumptuosa ex obiecto proprio ipsius, quod est peruersa celitudine. Ad cuius plenam intelligentiam Notandum est primo, appetere celitudinem, esse aliquem per voluntatem tendere supra id quod est: prout D. Thom. habet loco cit. art. 1. iuxta illud quod dictum est à D. Ilidoro in lib. 10. Etymologiarum cap. 1. superbum dictum est, quia super vult videri quam est.

Notandum est secundo, superbia obiectum constitui celitudinem non modo eam quae inest in superbiente, ut virtutem, scientiam aut quid timilium: sed etiam eam quae extra ipsum est: ut famam, gloriam, possessiones, vestimenta, & similia ex quibus etiam solent homines se efferre. Constitui autem non quidem consideratim absolute: qua ratione mala non est, ut nec fama vel gloria, immo obiectum est modestia, si fuerit de re vera & bona, ac sit merita, neque in finem malum, aut vanum referatur (vt ex D. Thom. habet Nauar. in Enchir. cap. 23. num. 5.) sed constitui quatenus excedit regulam & mensuram à Deo constitutam. Ad quod indicandum, non est in proposita definitione simpliciter dictum, celitudinis, sed cum additione, celitudine peruersa, id est, celitudinis excedentis mensuram positam à Deo, ex doctrina D. Thomae in seq. art. 5. Bene fundatam in eo quod habetur in posteriori ad Corinth. cap. 10. Nos autem non in immensum gloriamur, sed secundum mensuram, quam mensus est nobis Deus.

Notandum tertio, superbiam posse quidem contingere, etiam si quis nemini se expresse praferat; ut hinc patet; quia superbia est, & quare se maioribus, etiam si quis illis se non preferat. Nihilominus in actu ipius semper contineri aliquam sui prælati onus: siquidem efferens se supra se, effert quo; se simpliciter supra eos qui sunt eiusdem fortis.

Quo autem modo superbia ipsa contingat cum Dei contemptu, explicatur distinctione. Nam quidam est contemptus ex parte contemnitis: nempe cum quis aliquid ideo facit, quod velit contemnere Deum, vel proximum: ita ut contemptus ipse sit principium & causa actionis. De quo plenius dictum est in preced. lib. 15. cap. vlt. sc. 2. Quidam vero est ex parte rei, nimis cum quis non agit quidem ex contemptu sue Dei sive proximi, ut ille de quo proxime dictum est, facit tamen actionem quæ natura sua coniunctam habet

iniuriam Dei vel proximi: ut blasphemia, periurium, rapina, adulterium, & id genus alia.

Contemptum igitur prioris modi non est semper in superbia (quamvis possit ex superbia oriri, sicut & ex infidelitate, aut ex odio Dei, aut ex impatientia) patet ex eo, quod superbus non agat semper ut Deum contemnet; sed sibi ut satisfaciat amori proprio, ex quo desiderat sibi nimis magnam excellentiam, quemadmodum primos nostros parentes peccasse notat D. Augustinus in memorat. cap. 13. Contemptum vero posterioris modi est in omni superbia probari potest: quia dum superbus appetit celitudinem supra mensuram à Deo constitutam; eo tendit superbia plus, ut velit non subesse Deo: cum quilibet superbus velit summum locum tenere. Per quod infinita perfectioni diuinæ derogans, merito censetur ut iniuriam Deo inferre, sic & ipsum contemnere.

205.

Notandum est quartio, tria distingui genera superbie pro triplici modo quo potest quis excedere predictam mensuram à Deo constitutam. Primum est, cum quis desiderat habere aliquid independenter à Deo, quia excellentius est habere aliquid à se quam ab alio. Huius generis fuit superbia Regis Nabuchodonosor ex Danielis 4. cap. & ea quæ reprehenditur ab Apostol. in priori ad Corinth. cap. 4: cum ait: Quid habes quod non accepisti: si autem accepisti, quid gloriaris quasi non accepisti? Vbi aduerte obiret non esse necessarium in hac re: ut quis iudicet se bona sua habere à se, non autem ex Dei munere: quia sic deberet esse hereticus sed satis est ut illa apprehendat tanquam sua & dependentia à se: non considerandis quemadmodum illa obtinuerit. Unde fieri potest, ut ob ea extollat se animo, ac si haberet illa solidis suis meritis, absque Dei gratia: ad modum quod pauper alienis opibus affatim fruens, non minus effert se, quam si essent ei sua industria parta: quia non aduertit beneficium esse alienum: quantumvis id expresse non neget, nec contrarium iudicet.

Secundum genus est: cum quis agnoscit se quidem illud quod habet, à Deo habere: sed desiderat illud singulariter modo habere, cum aliorum despiciantia. Cuius generis fuit superbia Pharisæi orantibus Luc. 18. Qui inquietus, Domine gratias ago tibi; ostendit se sua Deo accepta ferre: addens vero: Quia non sum sicut ceteri homines: prodit suam superbiam huic generi.

169.

Tertium genus est, cum homo illa quæ habet, nec à se, & independenter à Deo: nec singulariter, & cum aliorum despiciantia habere desiderat: attamen excellentiam maiorem habere desiderat, quam mereatur. Hoc repugnat dicto Apostoli ad Rom. 12. Dico omnibus qui sunt inter vos, non plus sapere quam opotest, sed sapere ad sobrietatem: sicut & duo precedentia repugnant dicto Dei apud Ierem. cap. 9. Non glorietur sapiens in sapientia sua, & non glorietur fortis in fortitudine sua: & non glorietur dives in divitias suis: sed in hoc glorietur: qui gloriat, scire & nosse me: quia ego sum Dominus qui facio misericordiam & iudicium & iustitiam in terra: haec enim placent mihi ait Dominus. Vbi aduerte illum facere contra Dei misericordiam qui putat se alicuius habere a seipso, non à Deo; & contra iudicium facere, qui inter se & proximum non discernit secundum regulam à Deo constitutam: ac demum facere contra iustitiam, qui maiorem excellentiam desiderat quam mereatur.

206.

Notandum est quinto, superbiam ex eo, quod pro obiecto habeat celitudinem peruersam esse malam de se: seu malitia in cam deriuata ex obiecto proprio: nec tantum ex circumstantia: adeoque malum esse mortaliter, prout probat D. Thomas in citata quæst. 162. art. 5. quia peruersitas illa, in quam voluntas contentivis recedit à diuina regula, nec vult Deo subiici, eiusmodi est, ut superbus tanquam pugnans contra Deum (iuxta illud Ecclesiastici 10. Initium superbie hominis apostolatè à Deo) habeat eum sibi, tāquam infesto hosti, resistentem: iuxta illud Iacobi 4. cap. & 1. Petri cap. 5. Deus superbis resistit, humiliibus autem dat gratiam. Quoniam in hoc, sicut & in ceteris, excusatio est à mortali per detectum pleni confusus: & materię levitatem.

207.

Quæ quidem levitas in primo genere superbie contingere censetur, cum aliquis in eo tantum superbus est, quod nimis sibi in sua excellentia complacet: eam ad Deum non

referendo actu vel habitu: interea tamen exclusis à tali complacencia iis quibus Dei perfectioni derogatur: qualia sunt, velle seu desiderare excellentiam habere à se, aut id ipsum existimari ab aliis, aut dolere de contrario, aut etiam impie se preferre aut exquare Deo. In secundo genere vero, cum quis desiderat excellere præ aliis sine cuiusquam contemplatione aut infamia, aliaque notabili iniuria. In tertio demum genere, cum quis desiderat excellentiam immoritam, non tamē contra voluntatem Dei: vt faceret ille qui excellentiam suam sic appetere, ut escaperatus mortaliter peccare potias (quod est contra Dei voluntatem) quam ab eadem excellentia excidere. Addit D. Thomas in sequen. art. sexto, superbia messe granissimum peccatorum, non quidem quod nullum detur grauius: nam odiū Dei est illa grauius, dubium non est: sed quod pertinet ad genus peccatorum grauissimum, cum fuerit completa, excludens omnem humilitatem & subiectiōnē: prout contingit cum quantum tantopere effert esse vt ne quidem Deo & legi diuinæ velet esse subiectus: prout contingit diabolus, & nonnullis pessimis hominibus, qui ex amore peruerso excellentiā affectantes liberi plane, sicuti: iuris omnino esse, suam voluntatem auertunt à Dei subiectiōne & obediētia atq; régimen: tanquam nolentes illum habere superiore & rectorem. Quod etiam ipsis interdum contingit ex ira, vel odio in Deum. In ceteris autem superbia censetur incompleta hoc nomine, quod quamdui ipsi volunt manere Deo subiecti, recineant aliqui humilitatis: hacque ratione superbia potest capas effe illius levitatis, ex qua diximus ipsam à mortali exculari: non item prioriella: quam patet esse non posse absque graui Dei in iuria. Remedia contra tale perniciosissimum peccatum iam alias tradidimus: vt & rationem exercendi humilitatem saluberrimam virtutem: nempe in lib. 2. præced. num. 175. & aliquot sequentibus.

C A P. XXII.

De superbia species ac filiabus.

S V M M A R I A.

- 208 Superbia species: quatuor.
- 209 Euſdem filie duodecim.
- 210 Quid sit præsumptio humilitati oppoſita, & in quibus casibus sit peccatum mortale.
- 211 Quid sit ambitio, & quando ea iudicari debent peccatum esse mortale.
- 212 Quid sit vana gloria: & casus in quibus peccatum est mortale.
- 213 Quid sit hypocrisia, & quando peccatum sit mortale.
- 214 Quid sit iactantia, & quando sit peccatum mortale.
- 215 Quid sit pertinacia, & quando peccatum sit mortale.
- 216 Quid sit curiositas, & quibus modis ea contingat, & sit peccatum mortale.

208.

SPECIES superbia sic Toletus paucis in tract. de peccatis capitalib. cap. 4. commemorat. Prima est, cum quis sic appetet suam excellentiam, vt bonum quod ab altero habet sibi tribuat, ac si esset à se: aut etiam dolet, ne vult existimari se illud habere ab alio. Qua superbia species peccatur quatuor modis. Primo, cum quis in sua existimatione & iudicio, & id quod ab alio habet tribuit sibi potius, quam ei à quo retura habet: vt cum discipulus scientiam quam à magistro didicit, non ei, sed existimata ingenii sui excellentiæ tribuit. Secundo modo, cum vult idem quoq; ab aliis existimari, nepe se habere à se suam scientiam, quam vere à magistro habet. Tertio, cum vult id opere monstrare, seu cum gerit se, ac si tale bonum à se haberet. Quarto, cum desiderat ac vellet à se non ab alio tale bonum habere. Addo & cum dolet his contraria esse, sive iure, sive in hominum existimatione.

Secunda species superbia est, cum quis bonum quod ab alio habet absque ullo suo merito, appetit habere, ac si ex merito suo datum ei esset. Qua etiam superbia species peccatur: cum ita existimando apud se, tum volendo ab aliis existimari, tum opere ostendendo tale bonum, ac si haberet illud suo merito, tum etiam absolute tale quid desiderando. Adde item dolendo rem esse aut existimari prout vere est:

nempe ipsum nullo suo merito habere tale bonum.

Tertia species est, cum quis in sua vel aliorum opinione vult opere, vel desiderio non tribuere excellentiam, quam non habet, aut dolet de contrario.

Quarta est, cum quis appetit excellentiam supra alios, quos præ se contemnit, vult ab ipsis tanquam excellens tractari. In qua specie, vt & in præcedentibus, peruersa celitudo experta potest contingere; tum propria, tum aliorum existimatione: & tum opere tum desiderio, ac etiam dolendo de contrario.

Quod attinet ad peccata, quæ ex superbia tanquam ex radice oriuntur illiusq; pindis boles & filiæ dicuntur. Quamvis ex D. Thom. 2. 2. quest. 16. art. 2. omni peccato cœnientia, vt possit ex superbia ori, duodecim tamen sunt, quibus appellatio ea specialiter tribuitur: nempe inobedientia, contemptus, præsumptio, ambitio, vana gloria, hypocrisis, iactantia, discordia, curiositas, pertinacia, contentio, & insidelitas. De quibus illud in genere notandum est quod cum superbia sit amor excellentiæ; hæcque possit esse tum potest vel dignitatis, tum bonitatis seu probi atq; iustitiae: tum etiam sapientiæ seu scientiæ & prudentiæ: quatuor primas versari circa primum genus excellentiæ, quatuor sequentes circa secundum, & quatuor ultimas circa tertium. In particulari vero, que ad inobedientiam spectant satis intelligentes ex discidis in sequenti cap. vt. De contemptu notata in præced. num. 204. sufficiere possunt.

De præsumptione notandum est, duplum accipi: uno modo vt opponatur spei: qua aceptione egimus de ea in præced. tract. 3. Altero modo vt opponitur humi itati, sicuti spectatur in presentiarum, sicut à D. Thom. 2. 2. quest. 130. Definiriq; potest appetitus exhibendi se supra propriam potestatem. Et enim cum homo dicere vel sicut vult supra id quod vere potest, perinde ac si vere posset: censetur præsumptuosis. Propriam autem potestatem ex Caet. in summula verbo præsumptio intelligi, quam quis sive in seipso sive etiam in alio paratam habet, quod enim possumus per amicos, censemur & per nos ipsos posse.

Consistit vero talis potestas, vel in facultate naturali, vel in aliqua virtute sive infusa, sive acquisita, vel in aliqua arte, vel in gratia gratis data, vel in potestate ordinis, vel in potestate iurisdictionis: supra quarum vnamquamque, aliquid per eam tentare, peccatum est præsumptuosis. Quod iudicari debet mortale in tribus casibus. Primus est, cum habet coniunctum notabile proximi damnum; aut illius periculum; vt cum quis sine debita peritia obit. Episcopi vel Parchi vel Confessori munus: aut ignarus medicinae, medicis officio fungitur: aut ignarus legum patriciarum: aut neficias Theologicas veritates, concionatur de cibis arduis: aut sine prælio longo studio & Patrum lectione, interpretatur sacras Scripturas. Secundus est, cum quis usurpat sibi executionem officii publici, sive scularis, sive Ecclesiastici, sine legitima potestate: vt si Sacerdos confessiones audiat sine iurisdictione ordinaria vel delegata. Iudex scularis cognoscat de causis Ecclesiasticis. Tertius est, cum quis exponit se probabili periculo peccandi mortaliter: vt censetur is qui cognoscens se exallocatione scularium, frequenter labi in peccatum mortale, hihilominus eas alloquitur consilii suis viribus: nisi implorato, vt per est, auxilio diuino: nec excitato, vt item per est, non peccandi firmo proposito.

De ambitione que D. Thom. 2. 2. quest. 131. Notandum est esse, inordinatum appetitum honorum vel dignitatum. De quo quando cotinus iudicandum est per tradita in præced. lib. 12. cap. 3. & 4. iudicabitur vero peccatum esse mortale. Primo, si de peccato mortali honor appetitur: vt de eo quod repugnes tuo Superiori impudenter. Secundo, si modus quo honor aut dignitas appetitur: peccatum sit mortale: putat simonia per quam quæras Episcopatum vel homicidium aut bellum iniustum per q; queras principatum. Tertio, si quis eo sit animo, vt peccatum mortale committere paratus sit ad consequendam dignitatem quam appetit: vt subire onus Episcopale, cum sit eo indignus; indeq; magnum detrimentum accepturus sit populus; & sic de aliis. Quarto, si fine mortalem sibi proponat, vt vindictam de inimico, aut rupinam honorum alienorum, aut aliud eiusmodi. Reprehendit hoc genus vitij à Domino nostro Matth. 23. illis verbis:

Amant

209.

210.

211.